

CA GUENDA ZANDA GUNI BINNI MACA NEXHE' CHAAHUI' NE GUIRUTI GABI LAACABE GASTI' XTICA' BINNI NI RUCAA DIAGA NE RUUYA' CA GUIIBA' RUCHEECHE DIIDXA' LU BI NE GUIIBA' RUSIHUINNI BANDAA BIAANICA

Ca guenda zanda guni binni maca nexhe' chaahui' ne guiruti gabi laacabe gastí' xtica' binni ni rucaa diaga ne ruuya' ca guiiba' rucheche diidxa' lu bi ne guiiba' rusihuinni bandaa biaanica

Dxa Ley Federal xti' Telecomunicaciones ne Radiodifusión lu dxa Artículo 256, gulaqui' gunánga Ca guenda zanda guni binni maca nexhe' chaahui' ne guiruti gabi laacabe gastí', xtica' binni rucaa diaga ne ruuya' ca guiiba' rucheche diidxa' lu bi ne guiiba' rusihuinni bandaa biaani'; binibia'cani:

- Guicaacabe guirá' ca ni gaca' ni guzulú' ca guenda gunibia'cabe ca guendagaxé guenda riníxpianicabe, cani rini'ca xi chiacá', guirá' ca binni dagulisaaca, ca xquendabianica ne ca diidxa' rini'ca' lu guidubi naca Zaguita;
- Guicaacabe diidxa' maca nexhe' chaahui' ni cu' gadxé gadxé guendarini' xpiaani' ne diidxa' cuzeete binni ne gudii xtipa' xti' guendanabaani guirá' biini ni nuu cudii xtiidxa' lu nguécasi;
- Ca binni ni ma napa ti gui'chi' lu ná'ca' guzuhuadxíca' gutiidica' ni chigaca' pacaá guini'cabe runi tuuxa sica diidxa' riete sica rícaa lu gui'chi' rucheche diidxa' lu bi pacaá ni cayete. Ziénecabe sica cutiidicabe ra ríreeche' diidxa' pacaá ni guini'cabe runi tuuxa pacaá ni cayete guzuhuinni dxandini', ra ti binni ni ma' napa ti gui'chi' rugú ndaani' lu diidxa' maca nexhe' gaca' ni maca caa guiete ti guendaruuya chaahui' lu guendariníxpiaani' pacaá sica ni cuzeetebe lu xtiidxabe lu xigaba ra ridi'di' ma' biaanabe guiaxhani runi ti binni ni caguixe ni chiguzului'cabe, ne cadí gánna binni. Lu ca Diidxa' maca nexhe' chaahui' xi gúnicabe, ca binni ma napa ti gui'chi' ra caa zanda gúnini zului' ná'ca' ca diidxa' ni ná'cabe ga'ca'ti cuaquiná ne cadí guiaabacabe lu ni napa xidé gaca' ni ná tindaá diidxadí'.
- Gúnicabe ni ná lu ca xigaba xtica' diidxa' maca nexhe' chaahui' ne cuaquinácabe laaca' xi ma' bidxaa laaca luni ne cu'cabe ca guendaritíidxi xtica' binniiidxicabe
- Ganda gudii xtiidxacabe ni riníxpiaanícabe runi ni biete runi laacabe, sica ná diidxa' caa nexhe' ni ná ni zanda ga'ca',ni maca guta' gaca';
- Guzaanacabe bia' ngueca nexhe' ne ca bia' ridxiidi ne biaani bandaa ni rihuinni ni maca nexhe', laaca chu' ca ra guietení;
- Ra gudiicabe xiiñacabe xti' guiiba' ni rucheche diidxa' lu bi zuzugua dxicabe guirá' guenda runi binni ti cue' runi neza zá, pacaá nacional, pa náca binni nguiiu pacaá gunaa, runi xiza, runi pariaadxa la xiixa lu ladi pacaá lu xquendariníxpiaani', sica nabeza ndaani' guidxi, sica nuu lu xquendanabaani', runi bidó' rucaarua, runi ni ruzeetecabe, runi pa riula'dxi' nguiiu pacaá gunaa, pa ma' bichaganá' pa ca'ru', pacaá runi xiixaru' ni guniná sica naca binni guidxi layú ne runi gacala'dxi' guxiá pacaá gusihuini' ca guenda zanda guni ca binni ni gacala'dxi' ne guiruti gabi la gastí';
- Gusaanacane gaca' ca ni zanda guni binni ni gacala'dxi' maca caa lu gui'chi' sica ná xaíque guidxi, ni rapa xcuiidi ni ma' napa xtipa' ne ni rapape' guirá' ca xcuiidica, chu' guendaguencasi xti' gunaa pacaá nguiiu ne cadí gúnicabe binni ti cue', ne
- Ne xcaadxica la ga'tacani lu ca xcaadxi' ca diidxa' caa nexhe' ni ná ni zanda ga'ca', niisi ngape'.

Laacarú', sica ná Artículo 258 xti' dxa Ley Federal xti' Telecomunicaciones ne Radiodifusión, ca guenda, xtica' binni rucaa diaga ne ruuya' ca guiba' rucheeche diidxa' lu bi ne guiba' rUsihuinni bandaa biaani' ni riadxá' laaca' xiixa ladica' pacaá lu xquendariníxpiaanica za'paca guenda ni zanda gúnica ni racala'dxica' ne guiruti gabi laaca' gastí':

- Ga'pacabe ne guirá' ca dxiiña' xi cani'cabe lu diidxa' dxu', guibi'xini lu diidxastfa nelu diidxa' ra ruluí'nacabe ti ganda guieneca binni ni huaxie' rucaadiagaca. Ca dxiiña' rudiicabedi' na'pa xidé chu'cani neca lu tobi lu ca diidxa' maca nexhe' chaahui' ni lu ca diidxa' riete ni ma' rucaadiagacabe lu guidubi naca guidxiro'di';
- Guiniibi dxa guendarunibia'cabe bia' ni zanda gúnicabe, ca guendagunibia'cabe laacabe runi xiixa dxiiña' bi'nicabe ne guenda na'pacabe runi gúnicabeni naguenda, zacá sica caquiiñe' guyachahuicabe laaca' ne gusaanacabe laaca' gúnicabe ni racala'dxicabe ne guiruti gabi laacabe gastí';
- Ga'pacabe ne ca ni caquiiñe', ni gudii laacabe guendaruu ti ganda gusuinnicabe diidxa' culaacabe, ni nácabe ga'ca' ne guendaríndaqui diidxa' cani cudxiilú runi xtica' binni rucaa diaga ne ruuya' ca guiba' rucheeche diidxa' lu bi ne guiba' rUsihuinni bandaa biaani', ne niisi cadí ga'cani ti guendariva' cadí nexhechaahui' pacaá cadí jneza lu binni ni napa gui'chi' ra caa zanda guni, ne
- Ganda chu' lu diidxa' zinanda maca nexhe' chaahui' runi ti xigaba dachi ra rini'cabe, pacaá lu ca ra rícaa ca bixhiapa doo ni rucheeche diidxa' lu guidubi nacaguidxilayú xtica' binni na'paca ti gui'chi' ra caa zanda gúnica ti guicaa binni ni riadxá' la xiixa ladi pacaá ni riníxpiani'.